

15位候選佳麗與一眾師姐及詹天文(前排左五)出席港姐主題曲首播記者會。



昨日15位候選佳麗出席港姐活動，同場還有師姐郭柏妍與劉穎璇等，期間要幾位師姐選出心目中的佳麗，結果(9)陳甜甜最得寵，同時獲兩位師姐劉穎璇及郭柏妍公開點名睇好，她開心表示可能因自己的性格溫柔又喜歡搞笑，故得到兩位師姐賞識。

王怡然(右)睇好楊梓瑤入三甲。



王怡然否認負面新聞影響工作

陳甜甜溫柔搞笑 兩師姐點名讚



陳甜甜(左)與梁嘉瑩笑容親切。

15位港姐候選佳麗與師姐黃嘉雯、郭柏妍、劉穎璇、王怡然及「聲夢小花」詹天文昨日出席《2024香港小姐競選》主題曲MV首播記者會。陳甜甜獲劉穎璇及郭柏妍讚賞，(11)梁嘉瑩則憑小麥膚色得到黃嘉雯青睞。陳甜甜感謝兩位師姐賞識：「可能我性格溫柔，大方又搞笑，大家開心就好。(佢哋讚你努力講廣東話。)我好努力講，唔驚大家笑我，不過擔心會發錯音變粗口，我每次都好注意。(師姐讚你，覺得打咗強心針?)我知自己廣東話講得唔好，覺得唔好意思，但大家對我好包容同鼓勵。」

楊梓瑤選陳甜甜做友誼小姐

談到即將開始網上投票，她會在社交網上載自己練廣東話的片段，亦呼籲親友投她一票。而梁嘉瑩讚黃嘉雯是經驗豐富的師姐：「希望通過我令其他皮膚黑嘅女仔更加多自信，我好鍾意自己嘅膚色。其實無

論高矮肥瘦，每個人都係獨一無二。」(14)楊梓瑤獲王怡然睇好，她表示很开心：「因為我好鍾意佢，佢笑得好甜，冇諗過佢會揀我。(但佢之前有負面新聞。)我知道，但唔了解，佢係好女仔就夠。」問到若要選友誼小姐會揀誰?她表示必定選陳甜甜：「因為之前我比較少鏡頭，所以唔係咁開心，甜甜就係社交網放咗我嘅相，想畀多啲人認識我，佢真係好sweet。」

去年王怡然當選亞軍不久，其父母被爆欠債千萬，之後她一直「潛水」，直至最近才「復出」試水溫。問到快將卸任的心情如何?她表示心情好放鬆，之

前忙於讀書，畢業後會投入演藝工作，現正等公司安排。可覺得受之前負面新聞影響工作?她表示覺得少曝光跟讀書有關。再問父親欠債是否解決?她只說：「都係以前嘅事。(解決咗?)要問佢，我以為上次訪問完就完咗。(爸爸嚟香港?)今日就……佢唔嚟(香港)，屋企人啲嘢唔講。」

克勤反串 扮虞姬靚爆鏡



李克勤罕有反串演出。

男團競賽真人騷《披荊斬棘》第四季第一輪公演結束，二輪公演則展開全新組隊模式，克勤與秦昊、黑澤良平組隊為第二輪公演競賽。克勤選擇唱《蘭亭序》，並融入京劇元素，更跟黑澤良平挑戰反串飾演旦角「虞姬」。首次挑戰京劇扮相的克勤自爆從來不是一個愛看鏡子的人，覺得只有美男才會經常照鏡，但今次他一直照鏡，更不停拍照，他說：「嘩!今日好靚，我即刻send個message畀太太(盧淑儀)，我太太第一次見到話『你搞咩呀』，哈哈!」

胡美貽素顏拍節目 唔怕嚇走粉絲

何泳芍(Honey)、陳若思(Amber)、胡美貽(Nicole)及廖慧儀(Jessica)昨日宣傳即將播出的無綫真人騷《港女野人奇異記》，Nicole笑言：「拍嗰陣天氣溫差好大，朝早11度要着5件褸，但下晝就三十幾度，熱到除剩Bra Top，因為唔想預太多行李，所以我嗰衫褲鞋襪都係邊除邊掉。」

Jessica表示其中一個行程要跟海豚游水，之後再潛水，所以她與Amber預先考潛水牌，但游水機會不多，故只帶兩套泳衣。她們笑言今次拍攝出去，大部分時間都素顏上陣。問到可擔心零化妝會嚇走粉絲?Nicole笑言：「唔會，依家啲觀眾鍾意睇最真實一面。」



左起：何泳芍、廖慧儀、陳若思與胡美貽於節目中展現最真實一面。

張繼聰 爆鄭浩南似大細路

張繼聰、黃宗澤日前接受HOY主理人王凌燕專訪，暢談拍電影《紮職3》點滴。提到今集加入陶大宇及鄭浩南(Mark)，黃宗澤表示首次跟二人合作：「我覺得Mark哥外表好猛，但內裏很可愛。之前拍浸浴戲，我讚佢身形仲好弗，佢就自嘲縮咗水。」阿聰則指之前已跟Mark哥合作另一齣電影：「佢仲係好有童心嘅大細路，無論活到咩年紀都有童真同活力。大宇哥就係好友善嘅前輩，佢以前嚟電視台演好多忠良角色，但今次演壞蛋都好似。」



黃宗澤(左)與張繼聰分享拍戲點滴。